

Муслмон спортчилар Фаластин билан бирдамликда



13:45 / 23.10.2023 1903

Кўпгина Ғарб оммавий ахборот воситалари Исроилни Ғазога қарши давом этаётган урушида қўллаб-қувватлашда давом этаётган бўлса-да, кўплаб муслмонлар, хусусан, спортчилар ўз қадриятларини бузмаган ҳолда Фаластин халқи ва Ғазони қўллаб-қувватлашларини омма олдида намоиш этмоқдалар.

Қуйида Ғазо халқини қўллаб-қувватлаган спортчиларнинг бир нечта мисолларини келтириб ўтамыз.

Карим Бензема

«Ал-Иттиҳад» ҳужумчиси, «Реал» футбол жамоасининг собиқ сардори, «Олтин тўп» соҳиби ва футбол афсонаси. У яқинда Ғазони қўллаб-қувватлашини билдирди. Карим «Twitter» ижтимоий тармоғида француз тилида изоҳ ёзди: «Ғазо халқи учун дуодамыз, улар яна бир бор бу адолатсиз бомбардимонларнинг қурбони бўлишди, аянчли портлашлар оқибатида ҳатто аёллар ва болалар ҳам аяб ўтирилмаяпти».

Муҳаммад Эл-Ненни

«Арсенал» ярим ҳимоячиси Муҳаммад Эл-Ненни ўзининг Instagram

саҳифасидаги фотосуратини Фаластин байроғига ўзгартириб, уни қўллаб-қувватлашини билдирди.

Ҳабиб Нурмагомедов

ММА афсонаси Ҳабиб Нурмагомедов Instagram саҳифасида бир неча бор Фаластиндаги мусулмонлар ҳақида изоҳларини жойлаштирди.

Шунингдек, у яқинда ўз akkaунтида исломий эслатмани эълон қилиб: «Фаластинликлар – Аллоҳ сиз билан бўлганида рақамлар ҳеч қачон муҳим эмас» постига имзо чекди.

Аҳмед Ҳасан Кука

Аҳмед Ҳасан Кука Мисрнинг профессионал футболчиси, Туркиянинг «Пендикспор» клуби ва Миср терма жамоасида ҳужумчи бўлиб ўйнайди, шунингдек, ўзининг ижтимоий тармоқлардаги akkaунтларида фаластинликларга кучли қўллаб-қувватлаш хабарини юборди.

Риёд Маҳрез

«Манчестер Сити» нинг собиқ футболчиси ва Жазоир терма жамоасининг юлдузи Ал-аҳли вингери Риёд Маҳрез, Жазоирнинг яқинда Кабо-Верде устидан 5:1 ҳисобида ғалаба қозонганидан сўнг, бошқа жазоирлик жамоадошлари Аҳмед Туба билан бирга Фаластин байроғи билан суратга тушаётган расмини жойлаштирди.

Мустафо Муҳаммад

«Нант» ҳужумчиси Мустафо Муҳаммад ҳам ўзининг Instagram саҳифасидаги фотосуратини Фаластин байроғига ўзгартирди. Бу давом этаётган урушда ҳалок бўлган фаластинлик тинч аҳолини қўллаб-қувватлаш учун аниқ хабар.

Ислам Махачев

БАА пойтахти Абу-Дабида UFC 294 турнирининг марказий ва якуний жангида россиялик Ислам Махачев австралиялик Алекс Волкановскини 1-раунддаёқ нокаутга учратиб, ғалабага эришди.

Жангдан кейин камарини муносиб ҳимоя қилган Махачевга сўз берилгач, доғистонлик жангчи дунёда рўй бераётган ақлбовар қилмас воқеалар сабабли бу ғалабасини нишонлай олмаслигини маълум қилди.

«Ғалаба ёки мағлубият - Алҳамдулиллаҳ. Дунёда содир бўлаётган даҳшатли воқеалар сабабли бугунги ғалабамни нишонлай олмайман. Буни тўхтатинг! Фаластинни қўллаб-қувватлаймиз, Ғазо сектори биз сен билан», - деди россиялик жангчи ғалабасидан кейин.

Ла Лига 10-тури доирасидаги «Осасуна» - «Гранада» ўйинида ҳам мезбон жамоа мухлислари Фаластин байроқларини кўтаришди.

Памплона клуби мухлислари «Гранада»га қарши ўйинда полициянинг қаршилигига қарамай, стадионга Фаластин байроқлари билан келиб, «Олға, Фаластин» дея баск тилида ҳайқаришди.

Аввалроқ, «Ливерпул» мухлислари ҳам «Фаластинга озодлик!», дея бу мамлакат байроқларини кўтаришганди.